



vischnaunca da
sumvitg

Regulativ da taxas tier la lescha davart il provedi- ment d'aua

Tenor la lescha davart il provediment d'aua, art. 24, vegn incassau suandontas taxas:

1. Taxa da colligaziun (art. 27)

Quella taxa vegn incassada sin fundament dalla calculaziun dalla valeta nova tenor schazetg uffical e munta:

	aquaducts	
<p>▪ Classa 1 d'objects Edificis cun in grond consum d'aua sco casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias, restaurants, cascharias, mazlarias, menaschis da garascha pagan ina contribuziun unica da:</p>	1.5 %	
<p>▪ Classa 2 d'objects Edificis cun in consum d'aua mesaun sco casas da habitar, objects da mistregn, edificis da commerci (pasternarias, coiffeurs, pratica da miedis e.a.v.) casas da scola, edificis publics da sport, pagan ina contribuziun unica da:</p>	1.5 %	
<p>▪ Classa 3 d'objects Edificis cun in pign consum d'aua sco administraziuns, biros, stizuns senza ustria, magasins da victualias, remisas da material, baghetgs d'economia, baghetgs annexs (garaschas, bargias e.a.v.), garaschas sutterranas, edificis industrials, stallas e clavaus, edificis da sport e recreaziun privats pagan ina contribuziun unica da:</p>	1.5 %	
<p>▪ Classa 4 d'objects Baselgias e capluttas, museums pagan ina contribuziun unica da:</p>	1.5 %	
<p>▪ Classa 5 Begls/fontaunas privatas, biotops, puoz da curtin, stabiliments da bugnar orts, plazzas da sport e.a.v. pagan:</p>	tenor disposiziun individuala	minimal frs. 250.--

L'enumeraziun dils objects tenor classa 1 - 5 vala sco directiva. En cass extraordinaris sa vegnir risguardau in'otra classa d'objects aschinavon che quei ei giustificau sin fundament dil diever d'aua.

2. Taxas annualas

2.1 Taxa fundamentala annuala (art. 31)

Quella taxa vegn incassada sin fundament dalla calculaziun dalla valeta nova tenor schazetg uffizial. Ella ha da cuvierer 50 % - 75 % dils cuosts visai ora en la contabilitad e vegn quintada sin fundament dil schazetg uffizial indexau. Il pertschien e la classa d'objects vegnan fixai dalla suprastanza communal.

<p>▪ Classa 1 d'objects Edificis cun in grond consum d'aua sco casas da malsauns, casas d'attempai, casas da tgira, interpresas da loschament (hotels, pensiuns, campadis e.a.v.), ustrias, restaurants, cascharias, mazliarias, menaschis da garascha pagan ina taxa annuala da:</p>	0.2 ‰	-	0.8 ‰
<p>▪ Classa 2 d'objects Edificis cun in consum d'aua mesaun sco casas da habitar, objects da mistregn, edificis da commerci (pastemarias, coiffeurs, pratica da miedis e.a.v.) casas da scolas, edificis publics da sport, pagan ina taxa annuala da:</p>	0.1 ‰	-	0.5 ‰
<p>▪ Classa 3 d'objects Edificis cun in pign consum d'aua sco administraziuns, biros, stizuns senza ustria, remisas da material, baghetgs d'economia, baghetgs annex (garaschas, bargias e.a.v.), garaschas sutterranas, edificis industrials, stallas e clavaus, edificis da sport e recreaziun privats pagan ina taxa annuala da:</p>	0.05 ‰	-	0.3 ‰
<p>▪ Classa 4 d'objects museums pagan ina taxa annuala da:</p>	0.025 ‰	-	0.1 ‰
<p>▪ Classa 5 d'objects Las pauschalas che vegnan fixadas en ina disposiziun individuala entras la suprastanza communal per singuls edificis senza dumbrader ni cun ina constellaziun speciala en ed ordeifer la zona da baghegiar (begls/fontaunas cun diever privat, biotops, puoz da curtin, stabiliments da bugnar orts e curtins, plazzas da sport e.a.v.). Ina pauschala vegn medemamein fixau per las baselgias e capluttas. Fontaunas cun diever public pagan negina taxa annuala.</p>	minimal		frs. 50.-- frs. 2'000.--

L'enumeraziun dils objects tenor classa 1 - 5 vala sco directiva. En cass extraordinaris sa vegir risguardau in'otra classa d'objects aschinavon che quei ei giustificau sin fundament dil diever d'aua.

2.2 Taxa da consum (art. 32)

Quella taxa vegn incassada sin fundament dil consum d'aua. Ella ha da cuvierer 50 % - 25 % dils cuosts visai ora en la contabilitad e vegn quintada sin fundament dil consum d'aua. Il pertschien vegn fixaus dalla suprastanza communal.

a) tuts implonts colligiai tenor l'indicaziun dil dumbrader	frs./m ³ 0.20 - frs./m ³ 1.20
b) la taxa pauschala da consum (art. 32 al. 5)	frs. 20.00 - frs. 2'000.00 per persuna

<p>c) Menaschis agricols han la pusseivladad da quintar giu la taxa annuala da consum tenor envernontas. Il diever per envernonta vegn quintaus cun 50 cubics aua per onn. En quels ein l'aua da beiber per ils animals sco era tut il consum d'aua per il diever ordinari dil menaschi cumpri.</p>	<p>frs./m³ 0.20 - frs./m³ 1.20</p>
---	--

3. Affittaziun dil dumbrader d'aua

<p>Taxa annuala per cuvierer ils cuosts che sedattan ord la cumpra, montascha ed il manteniment dils dumbraders. Quella taxa croda sch'ei vegn gia pagau pil medem dumbrader per la dismessa d'aua.</p>	<p>frs. 25.00 - frs. 50.00 per in dumbrader pign (³/₄ - 1¹/₄ zoll)</p> <p>frs. 30.00 - frs. 200.00 per ulteriurs dumbraders</p>
---	---

4. Taxas da diever duront il temps da baghegiar (art. 15)

L'aua da construcziun per edificis novs ei da retrer dalla colligaziun d'aua dil bein immobiliar da construcziun. La taxa munta :

frs. 300.--	per objects entochen	frs. 800'000.--
frs. 400.--	per objects entochen	frs. 1'500'000.--
frs. 600.--	per objects entochen	frs. 5'000'000.--
frs. 800.--	per objects sur	frs. 5'000'000.--

Leu nua ch'ei vegn buca fixau ina pauschala, vegn la taxa da diever eruida tenor in dumbrader e munta a frs. 0.50 per m³.

5. Diever da hidrants (art. 17)

Sin damonda speciala sa la suprastanza communal conceder lubientschas per retrer aua da hidrants. Per quella lubientscha vegn incassau ina pauschala minimala da frs. 30.-- a di per diever d'in hidrant.

Quest regulativ ei vegnius approbaus ensemen cun la lescha davart il provediment d'aua a caschun dalla radunonza communal dils 15-12-2017 e passa en vigur culs 01-01-2018.

Il president communal

sig. Armin Candinas

Il canzlist communal

sig. Fabian Collenberg